

БОСНА И ХЕРЦЕГОВИНА  
МИНИСТАРСТВО БЕЗБЈЕДНОСТИ

Агенција за форензичка  
испитивања и вјештачења



BOSNA I HERCEGOVINA  
MINISTARSTVO SIGURNOSTI

Agencija za forenzička / forenzična  
ispitivanja i vještačenja

Broj: 145-02-2-333-1/20  
Istočno Sarajevo, 15.06.2020. godine



**ODLUKA**  
**O POLITICI NULTE TOLERANCIJE PREMA DJELIMA SEKSUALNOG**  
**UZNEMIRAVANJA I UZNEMIRAVANJA NA OSNOVU POLA**

Istočno Sarajevo, juni 2020. godine

Na osnovu člana 61. stav (2) Zakona o upravi („Službeni glasnik BiH“, br. 32/02, 102/09 i 72/17), člana 16. Zakona o Direkciji za koordinaciju policijskih tijela i o agencijama za podršku policijskoj strukturi Bosne i Hercegovine („Službeni glasnik BiH“, broj 36/08), člana 13. stav (2) Zakona o ravnopravnosti polova u Bosni i Hercegovini („Službeni glasnik BiH“, broj 32/10) i zaključka Vijeća ministara Bosne i Hercegovine donesenog na vanrednoj sjednici održanoj 15.10.2019. godine broj: 05-07-1-2130-11/19, direktor Agencije za forenzička ispitivanja i vještačenja, d o n o s i

**ODLUKU**  
**o politici nulte tolerancije prema djelima seksualnog uznemiravanja**  
**i uznemiravanja na osnovu pola**

**Član 1.**  
**(Predmet)**

Odlukom o politici nulte tolerancije prema djelima seksualnog uznemiravanja i uznemiravanja na osnovu pola (u daljem tekstu: Odluka) se utvrđuje da će Agencija za forenzička ispitivanja i vještačenja (u daljem tekstu: Agencija) osigurati radnu sredinu bez seksualnog uznemiravanja i uznemiravanja na osnovu pola za sve osobe.

**Član 2.**  
**(Cilj)**

U cilju sprečavanja uznemiravanja na osnovu pola i seksualnog uznemiravanja na radnom mjestu u Agenciji će se preduzeti efikasne mjere u skladu sa propisanim relevantnim zakonskim i podzakonskim okvirom kojim je regulisana ova oblast.

**Član 3.**  
**(Prava i obaveze zaposlenih)**

- (1) Niko nema pravo da seksualno uznemirava ili uznemirava na osnovu pola bilo koju osobu na radnom mjestu ili u vezi sa radom.
- (2) Svaki zaposleni u Agenciji bez obzira na pol ima:
  - a) Pravo na radnu sredinu bez seksualnog uznemiravanja i uznemiravanja na osnovu pola;
  - b) Obavezu reagovanja kada su druge osobe žrtve seksualnog uznemiravanja i uznemiravanja na osnovu pola;
  - c) Obavezu prijavljivanja seksualnog uznemiravanja i uznemiravanja na osnovu pola;
  - d) Pravo na povjerljivost podataka u disciplinskom postupku koji je pokrenut zbog seksualnog uznemiravanja i uznemiravanja na osnovu pola;
- (3) Svaki zaposleni u Agenciji ima pravo da podnese zahtjev/prijavu za pokretanje disciplinskog postupka zbog seksualnog uznemiravanja i uznemiravanja na osnovu pola.

**Član 4.**  
**(Imenovanje savjetnika/savjetnice)**

Direktor Agencije će posebnom odlukom imenovati savjetnika/savjetnicu za prevenciju seksualnog uznemiravanja i uznemiravanja na osnovu pola.

**Član 5.**  
**(Stupanje na snagu)**

Ova Odluka stupa na snagu danom donošenja.

**O b r a z l o ž e n j e**

Vijeće ministara Bosne i Hercegovine je na vanrednoj sjednici (telefonskoj) održanoj 15.10.2019. godine, razmotrilo Informaciju o mehanizmima za efikasnu prevenciju i zaštitu od uznemiravanja na osnovu pola i seksualnog uznemiravanja na radnom mjestu u institucijama Bosne i Hercegovine sa Vodičem za preduzimanje efikasnih mjera za sprečavanje uznemiravanja na osnovu pola i seksualnog uznemiravanja na radnom mjestu u institucijama Bosne i Hercegovine. S tim u vezi usvojilo je, između ostalih, zaključke kojima se zadužuju sva ministarstva i samostalne upravne organizacije da do kraja 2020. godine, u skladu sa Vodičem za poduzimanje efikasnih mjera za sprečavanje uznemiravanja na osnovu pola i seksualnog uznemiravanja na radnom mjestu u institucijama Bosne i Hercegovine usvoje odluku o politici nulte tolerancije prema djelima seksualnog uznemiravanja i uznemiravanja na osnovu pola. U skladu sa naprijed navedenim donesena je i ova Odluka.

Dostavljeno:

- Oglasna tabla,
- Web – stranica,
- a/a



**DIREKTOR**

Nedo Kojic